

**Жамила НОДИРОВА**

# **ОЙДИН ОРЗУЛАР**

Қарши  
«Насаф» нашриети  
2006

84(55)6-5. Ўзб. б. 2006. № 20.—  
Шеърлар


Жамила Нодирова - муқаддас она-Ватанга бўлган  
иғтихор, муаллималик баҳти, ота-она меҳр-  
муҳаббати, табиат манзараларига мафтунлик  
туйғулари қўлига қалам тутқазган шоира.

Сиз ушбу «Ойдин орзуласар» тўпламини ўқисангиз,  
ана шу мавзудаги шеърлар билан танишасиз.

10 32296  
001

Н 4702620202-6 6-2006 Ж.Нодирова, 2006 й.  
376(02)2006

ISBN 5-7323-0508-0



## **ЎЗБЕКИСТОНИМ**

Ватанлар ичра сен очдинг-ку чирой,  
Осмонингда гўзал жилваланар ой.

Тупроғи зар, меҳнаткаш дехқонларинг бой,  
Ўзбекистон, ўзинг улуғланган жой.

Фарзандларинг ўқтам, баҳтли, нақирион,  
Илм излар тинмайин, ўқишар ҳар он.

Кунларин ўтказар бўлиб шодумон,  
Тенглар ичра бўлдинг тенг, Ўзбекистон.

Меҳнат суруридан элим завқ олар,  
Дилларга ўтли куй оташин солар.

Узумзор боғларинг бўлиб бир бўстон,  
Довруғи достонсан хур Ўзбекистон.

## **САРБОН БҮЛГИН**

Саломни бил, кўкка боқма, кўпга боққин,  
Ота-онанг иззат этиб дуо олгин.

Ватанинг сев, тупроғини тўтиё қил,  
Юртинг учун лозим бўлса жон фидо қил.

Яхшилигинг, тантлигинг ҳамма билсин,  
Савоб ишда ўғлон, сенга омад кулсин.  
Ҳамма ишда фидокорлик осон эмас,  
Олдирмагин олганларинг, олтин бўлсин.

Жасур ўғлон, карвонларнинг сардори бўл,  
Тўғри бўлсанг билгин доим очиқдир йўл.  
Сарбонлигинг савобларга тўлиқ бўлсин,  
Шунда кўплаб дўстлар сенга узатар қўл.

Изсиз келиб кетмагин ҳеч бу дунёдан,  
Кўприк қуриб олқиши олгин сен ҳаммадан.  
Мактаб очгил, мадрасалар бино қилсин,  
Номинг қолар кам бўлмайсан бил, ҳеч кимдан

## **ОНА**

Она, сен шунчалар буюк маъбудсан,  
Сенга тенг келолмас ҳеч қайси бир зот.  
Наҳот сен фарзанд деб шунча куюрсан,  
Фарзандинг суюнса осмонча бўлсанг.

Сен эрта тинмасанг, тунни билмасанг,  
Хаттоки ҳоришни назар илмасанг.  
Қачон, кимдан олдинг бунча бардошни,  
Хар нега чидовчи тошдайин бошни.

Сени таърифлашга сўз ҳам топилмас,  
Агар ёмон десам қаламим юрмас.  
Она, сен яшасанг дунёча яша,  
Фарзандларинг билан замонлар оша.

## **ОНАЖОН, БУЮКСИЗ**

Шукур, топдим дўстни, топдим йўлимни,  
Жоним пайвандлари - ўғил-қизимни.  
Топдим шон-шавкатим, топдим обрўмни,  
Онажоним, жоним, топмадим сизни.

Билинар онажон, доим ўрнингиз,  
Қуёш нуридайин иссиқ нурингиз.  
Соғинч уммонига ташлаб қизингиз,  
Зор айладингиз-ку она, бағрингиз.

Онажон, тушимда сочим силабсиз,  
Кўзимда ёш кўриб сиз ҳам йифлабсиз,  
Ҳатто у дунёда мени ўйлабсиз,  
Демакки мен ҳаёт, сиз ҳам ҳаётсиз

## **ОНА ҚАДРИ**

Онасизлик бу - ёмон,  
Софинч бисёр - бир жаҳон.  
Қалбларида зўр армон,  
Ким бўлар унга дармон.

Икки ўртада сарсон,  
Тополмайин онажон,  
Кўзларида ёш маржон,  
Қон йиғлаган болажон.

Она ўрнин ҳеч замон,  
Босолмаган бирор жон.  
Қанийди бўлса имкон,  
Йиғламаса болажон.

Кодир Оллоҳ, марҳаматинг,  
Дариф тутма инсондан.  
Ажралмасин асло эрта,  
Она деган иймондан.

## **ОҚ ОРЗУЛИ ОППОҚ ҚОР**

Дов-дарахт оқ либос кийди бир пасда,  
Оппоқ қор ҳамма ёқ, күкда ҳам пастда.  
Ташқарида совуқ бўрон бўлса ҳам,  
Кўнглимда илиқлик кезарди аста.

Оппоқ қор, дилимнинг орзуларини,  
Қанотингга олиб парвозга шайлан.  
Она заминимни кезаётган қор,  
Халқим насибаси, ризқига айлан.

Бир олам завқ бериб ёғар оппоқ қор,  
Ўлкамга сепини ёяр оппоқ қор.  
Заминга ташрифи кутлугим менинг,  
Ойдин орзу бўлиб тинмайин ёғ, қор.

## **СЕВИНЧИМСАН, БАХОР**

Вужудимда бир илиқлик,  
Яйраб куйлагим келар.  
Баҳоргинам, ифорларинг,  
Кўзимга суртгим келар.

Гўзал баҳор, бу чиройни  
Қайдан олдинг, айтакол.  
Азизгинам, шайдоингман,  
Ҳеч ўлкамдан кетма, қол.

Келсанг ҳар гал юрагимда  
Ўзгачадир иштиёқ.  
Кўзларимни қамаштирас  
Қирлар тўла қизғалдоқ.

Баҳорим, сен орзуйимсан,  
Менга жуда ёқасан.  
Сепинг ёйган гулбогимдан  
Гулчамбарлар тақасан.

## ОТА

Оталар элнинг посбони,  
Юртнинг улуғ қўргони.  
Отанинг бўлмас ёмони,  
Улуғ ишларнинг сарбони.

Салобат-ла юрса ота,  
Кўзинг қувнаб, дилинг яйрап.  
Чўлинг бўстон этса ота,  
Гулзорларда булбул сайрап.

Хур Ватанинг тинчлигини,  
Кўриқлашар оталар.  
Осойишта хонадонда  
Она айтади аллалар.

Ўзбек элга посбон бўлиб,  
Давру даврон сурсин ота.  
Ўғил-қизга бош-қош бўлиб,  
Кўнгли осмон бўлсин ота.

## **МУҲАББАТ УЗУГИ**

Муҳаббат деб аталган узук,  
Бармогингга тақиб қўяман.  
Бор меҳримни узукка қўшиб,  
Умр бўйи баҳтли этаман.

Даврон сурар бўлсак иккимиз,  
Авайлайман кўз қароғимда.  
Ишон менга, ёнимда бўлсанг,  
Кулги яшар ҳар яноғингда.

Ёлвораман, Оллоҳ иккимиз  
Тақдиримиз бирга боғласин.  
Йўлларимиз нурафшон айлаб,  
Паноҳида омон сақласин.

Биламан, сен албат келарсан,  
Йўлларингда кўзим толдирма.  
Ишқ аталмиш ҳижронларингда -  
Етар энди, бунча ёндирима.

## **БОЛАЛИК**

Болалик ҳам ўтар шовқин-суронли,  
Күчада ўйнардик болалар гавжум.  
Бirimiz от эдик, биримиз тойчок,  
Чопқиллаб толмасдик вақтни этиб чоғ.

Қуёш ҳам ботарди, чўкарди оқшом,  
Ўйин қизир эди, топмасдик таскин.  
Онам чақиради ўчоқ бошидан,  
Биз эса жилмасдик дўстлар қошидан.

## **БОЛАЛИГИМ СОФИНДИМ**

Болалигим, ёнингга чорла,  
Гулзорингдан гул-райхон терай.  
Кир-адирга, далангга чорла,  
Қоқигулни чаккамга тақай.

Бир зумгина чорла ёнингга,  
Қўғирчотқа аллалар айтай.  
Болалигим - беғуборликнинг,  
Хузурига бир лаҳза қайтай.

Болаликнинг боғлари гўзал,  
Доим сени чорлайверади.  
Қанча йироқлашсанг, у сени  
Дил тубингда порлайверади.

Болалигим, тарқ этдинг мени,  
Оппоқ тонгйнг соғиниб қолдим.  
Сенга бўлган соғинчларимни  
Интиқ бўлиб ёдимга олдим.

## **СЕН УЧУН**

Нозли дилим, майли сен учун,  
Бир ой бўлиб кечанг ёритай.  
Гулюзлигим, майли сен учун,  
Уйқунг бўлиб ороминг бўлай.

Нозли гулим, майли сен учун,  
Атрофингда парвона бўлай.  
Гулюзлигим, майли сен учун,  
Хизматингга доим шайланай.

Нозли гулим, майли сен учун,  
Баҳор бўлиб гул, чечак тақай.  
Гулюзлигим, майли сен учун,  
Зўр ишқ бўлиб қалбингни ёқай.

Нозли гулим, майли сен учун,  
Булбул бўлиб хонишлар қилай.  
Гулюзлигим, майли сен учун,  
Сабо бўлиб соchlаринг силай.

Йўқ демагил, ўзим сен учун,  
Чин баҳт бўлиб баҳтиёр этай.  
Қўлларингни бергил қўлимга,  
Эртанг бўлиб тонгинг қаршилай.

## **СИНФДОШ ДҮСТИМГА**

Сирдошгинам, синфдош дүстим,  
Болалиқдан мунис хотирам.  
Соғинч ёши күзимда сим-сим,  
Қалбим сени құмсайди бирам.

Синфдошим, унутдингми сен,  
Адирларда ўтказган дамни?  
Билмас здик ўша кезларда  
Ташвишларни, ҳеч бирор ғамни.

Синфдошим, дүстлик қадрини,  
Бугун дилдан ҳис қылдим ўзим.  
Тенгдошгинам, азизсан менга,  
Ишон, ростдир ҳар айтган сўзим.

Синфдошим, соғиндим сени,  
Қайда бўлма, унутма мени.  
Дўстлигимиз абадий бўлсин,  
Унутмасман асло мен сени.

## **УСТОЗИМГА**

Хар эрта тонг бордим мен мактаб томон,  
Орзуларим бўлиб гўё бир жаҳон.

Сўзларидан дур ёғилиб ҳар қачон,  
Қаршиларди муаллимим - меҳрибон.

Эзгуликлар жойлаб менинг қалбимга,  
Сочди зиё муаллимим йўлимга.

Ватан мадҳин тутиб созин қўлимга,  
Илм нурин таратдилар йўлимга.

Таъзимдаман бу кун сизга, устозим,  
Янграйверар яхшилик деб овозим.

Унутмасман, олганман сиздан таъдим,  
Хар доимо омон бўлинг, муаллим.

## **ЭРКАКЛАР ОМОН БЎЛСИН**

Гумбурлаган давра тўрида эркак,  
Ватанига посбон, мустаҳкам тиргак.  
Ҳар уйнинг устуни, юраги эркак,  
Улардир ҳаётнинг гултожи, бешак.

Эркак бўлган жойда кўнгил чароғон,  
Уй, рўзғор, ҳаттоки кўнгил фаровон.  
Ғанимлардан асрар, сақлайди омон,  
Фаминг бўлса, шаксиз у бўлар дармон.

Эркак - жасурликнинг тимсоли ҳар дам,  
Ташвиш тушса бошга бўлгайдир ҳамдам.  
Мехнатидан ҳатто гуллагай тош ҳам,  
Ишон унга доим, бўлмагай бош ҳам.

Эркаклардир бизнинг кўрар кўзимиз,  
Унутилар ғамлар, йўқдир камимиз.  
Эркаклардир ҳар дам ғурур, баҳтимиз,  
Улар қувончимиз, ёруғ юзимиз.

## **ҮФИЛГИНАМ, АРДОҒИМ**

Үфилгинам, дўмбогим,  
Жондан севган оппоғим.  
Арзийди кўз қароғим -  
Бағишиласам ҳаётим.

Кулсанг агар қиқирлаб,  
Ҳар кун менга эркалаб.  
Таним яйраб кетади,  
Овозинг хуш ёқади.

Тили бийрон қувончим,  
Сен эртамсан, ишончим.  
Умринг берсинг оллоҳим,  
Эркатойим, дилбандим.

## **БЕК АКА**

Бек ака, ўзим бекангман,  
Йўлингга кўзим тикарман.  
Яхшилигимни билмасанг,  
Сарғайиб гулдек сўларман.

Уйингизнинг фариштаси,  
Узилмасин дил риштаси.  
Ўзгаларга бир сўз деманг,  
Ширин сўзнинг мен гадоси.

Бек ака, беклигингиз,  
Ярашади бўйингизга.  
Данғиллатиб тўйлар беринг,  
Дўстлар келсин ҳовлингизга.

## **ОЙДИНИМСАН, ОЙИМСАН**

Сенсан жону жаҳоним,  
Сен-ла файзли ҳар оним.  
Сенсан тандаги жоним,  
Сен бор, йўқдир армоним.

Сени кўрган онимда  
Жоним титрар танимда.  
Паривашим, келақол,  
Кулиб юргин ёнимда.

Яшнатувчи боғимсан,  
Хам номусу оримсан.  
Кечаларни ёритган  
Ойдингинам, ойимсан.

## **ТАНҲОГИНАМ**

Моҳим мени хор айлади,  
Ҳолим паришон айлади.

Ўзга кўнгил обод этиб,  
Дилгинам вайрон айлади.

Яқин олсам қанчалар мен,  
Узок бўлдинг шунчалар сен.

Йўлларингда адоман мен,  
Порлагувчи Зухросан сен.

Тутиб бўлмас танхогинам,  
Кийнамагин бунчалар ҳам.

Озор кўнгил топар малҳам,  
Сенинг билан бўлганим дам.

## **ҚАДРИМ БИЛГИН**

Ёр-ёр билан ўзга уйнинг  
Чирогини ёқдинг, ёр.  
Менинг эса ишқ бояғимни  
Поймол этиб кетдинг, ёр.

Мафтунингман баҳт қасрингга,  
Күз тегмасин энди, ёр.  
Бир умрга ажралишдик,  
Йиглар бўлиб энди зор.

Менинг учун сен ўшасан,  
Кўнглим шодон этасан.  
Кўришмайин турад бўлсак,  
Қадрим шунда биласан.

Гулбаҳорим, баҳтли бўлгин,  
Йигламагин ҳеч қачон.  
Қайда бўлма кулиб юргин,  
Жонинг бўлсин соғ-омон.

## КИЙНАЛМАГИН

Айро экан йўлларимиз,  
Аммо яқин дилларимиз.  
Ким ҳам билар ҳолларимиз,  
Қийноқда-ку жонларимиз.

Кимлар бизни қийнадилар,  
Улар ёмон хўрладилар.  
Икки дилни боғламасдан,  
Эрмак қилиб ўйнадилар.

Саҳар битган номаларим,  
Дилгинангда қолиб кетди.  
Бевафо деб иккимизни  
Сарғайганча нолиб кетди.

Суюклигим, ўтинаман,  
Ажралдик деб ўйламагин.  
Тақдир экан, не қиласиз,  
Шириң жонинг қийнамагин.

## **СИНГЛИМ, АЛДАНМА**

Ишонмангиз йигитларнинг алдовига,  
Ишқинг билан ёндим деган оҳ-войига.  
Фурсат пойлаб улар сени алдаб кетар,  
Қаро кўзинг тиндирмасдан ёшлаб кетар.

Кўй, ишонма, тоғлар каби ваъда берса,  
Ҳар кун қўлларингга битта нома тутса.  
Қийналганинг кўрган они ташлаб кетса,  
Кўй, ишонма, ёлғиз сени юлдуз, деса.

Сингилгинам, ҳеч ўзингни паст тутмагин,  
Ўзбек қизин қадри баланд, шуни билгин.  
Хур замонда ўйнаб-кулиб даврон сургин,  
Дуч келганга сен сирингни билдирмагин.

Синаб кірсанг йигитларнинг марди бѓлар,  
Юрагида Ватан иші и ёниб турар.  
Сенга бѓлган мураббати кунда ошар,—  
Унинг билан бирга бѓлсанг баҳтинг кулар.

## **БИЛИМ ОЛ**

Мана бозор, аравани кичик бола  
Суриб борар, араваси қилар нола.

Аравада юклар оғир, тортолмайсан,  
Юзларидан нур тараптан гулдек бола.

Қара үғлон, ҳаёт гүзал, қийналмагин,  
Шу ёшингдан аравага боғланмагин.

Китоб - дүстинг, уни асло хор қилмагин,  
Мактаб - сабоқ, бозорни устун билмагин.

Азиз бошинг омон бўлсин, керак бўлар,  
Китобни қўймагин қўлдан, баҳтинг кулар.

Аравалар йўлларингда қолиб кетар,  
Билим олсанг толе йўлинг нурга етар.

Юкинг бунча оғир экан, кўриб қолдим,  
Кўмак учун сен томонга йўлим солдим.

Ортгинангдан қараб қолиб ўйга толдим,  
Улғайганда юрти учун қалқон бола.

Мехнатдан-ку ҳали ҳеч ким толган эмас,  
Лек вақтида илм олиш ёмон эмас.

Бошинг кўтар, қаддинг тик тут, ўқи китоб,  
Хур Ватанда йўлларингда удир офтоб.

## **ШОКИР ДАНГАСА**

Шўхликларинг ҳаддан ошган,  
Партада-чи тилинг бийрон,  
Устозинг савол берган он,  
Жавобларинг жуда ёмон.

Шокир, ҳеч тинч ўтирмайсан,  
Аълога ҳам ўқимайсан.  
Зўрман дея мақтанасан,  
Муродинг не, айт сен кимсан?

Дарслар дарров тугай қолса,  
Қўнғироқ тез жарангласа.  
Шокир, билсанг, сен дангаса,  
Наҳот шуни англамайсан?

Кечикиб дарсга келасан,  
Пайт пойлаб зимдан қочасан,  
Айт, эртанг қачон ўйларсан,  
Билим эшигин очарсан?

Ўқимасдан кунинг ўтар,  
Шокир, эртанг мени қийнар.  
Бунчалар бўлма дилозор,  
Дилозордан ҳамма безор.

Ўқигин сен, Ватан кутар,  
Ўқиганга толе кулар.  
Замонлардан замонларга  
Эзгу ишинг мангу қолар.

## МУНДАРИЖА

Ўзбекистоним.....	3
Сарбон бўлгин .....	4
Она.....	5
Онажон, буюксиз .....	5
Она қадри .....	6
Оқ орзули оппоқ қор .....	7
Севинчимсан, баҳор .....	8
Ота .....	9
Муҳаббат узуги.....	10
Болалик.....	11
Болалигим соғиндим.....	11
Сен учун.....	12
Синфдош дўстимга.....	13
Устозимга.....	14
Эркаклар омон бўлсин.....	15
Ўғилгинам, ардоғим.....	16
Бек ака.....	16
Ойдинимсан, ойимсан.....	17
Танҳогинам.....	17
Қадрим билгин.....	18
Қийнамагин.....	19
Синглим, алданма.....	20
Билим ол.....	21
Шокир данкаса.....	22

АДАБИЙ-БАДИЙ НАШР

ЖАМИЛА НОДИРОВА

ОЙДИН ОРЗУЛАР

Шеърлар

Мухаррир: З.Омонова

Техник мұхаррир: Ч.Раҳмонов

Мусаҳих: З.Очилова

ИБ1007

Теришга 8.02.2006 йилда берилди. Босишига  
20.02.2006 йилда рұхсат этилди. Бичими  
84x108 1/32. Шартли босма табори 1,26.  
Шартли бүек отт. 1,32. Нашр босма табори 0,67.  
7-2006- шартнома .8-буюртма 150 нұсқада. Эркин  
нархда.

«Насаф» нашриёти. 730018, Қарши шаҳри,  
Мустақиллик шоҳ кўчаси, 22-уй.

Қашқадарё вилоят Матбуот ва ахборот  
бошқармасига қарашли «Матбаа» цехида чоп  
этилди.